

# সত্যতার পাণ্ডা ।

(বড়দিনের পঞ্চমঃ ১)  
**NATIONAL LIBRARY**  
*Large Book Section,*

ত্ৰিযুক্ত গিরিশচন্দ্র ঘোষ প্রণীত ।

( ১৮৯৪ সালের বড়দিনে মিনার্ভা থিয়েটারে অভিনীত । )

প্রকাশক—ত্ৰিধর্মদাস সুর ।

৬নং বিডন ষ্ট্রীট ।

২নং হারিমোহন বসুর লেন নতুন কলিকাতা-প্রেসে  
ত্ৰিপূর্ণচন্দ্র মুখোপাধ্যায় দ্বারা মুদ্রিত ।

১৩০১ ।

*All rights reserved. ]*

[ মূল্য ।০ চারিআনা মাত্র ]

১৯০৭ খ্রিঃ

# উৎসর্গ।

সংস্কৃত যুবক—

শ্রীল শ্রীযুক্ত কুমার আশুতোষ রায় বাহাদুর

( কাশিমবাজার । )

উন্নত বঙ্গের ছবি দেখুন।

প্রণত—

শ্রীধর্মদাস সুর ;

( প্রকাশক । )

## চরিত্র ।



পুরুষ—পুরাতন বর্ষ, নূতন বর্ষ, নীলাকান্ত, পুরোহিত, ছিটিধর,  
শশীভূষণ, দিল্ল, নসে, বাণনাথ, ওল্ডইয়ার,  
নিউইয়ার, কুম্ভাস, বিডার, সেলমাষ্টাব,  
রাইটার, বুক্‌কিপার, খুদেবর, যুবাবর,  
বরগণ, বেহারী, ফ্রায়ার, ষড়ঋতুর  
নাযকগণ, ষড়ঋতুর রঙ্গদারগণ, বিউ-  
গেলওয়াল, হ্যাণ্ডবিলওয়ালগণ,  
ইত্যাদি ।

স্ত্রীগণ—সত্যতা, ভবতাবিণী, বিবেকধরী, কুমদিনী, কুলাঙ্গনাগণ,  
ষড়ঋতুর নায়িকাগণ, ষড়ঋতুর রঙ্গিনীগণ,  
ফিমেল ক্রেতাগণ, রুজ্জা, ইত্যাদি ।

কিপার-কিপারেস্, ব্রহ্ম-গাভী, গর্দভ, বানর-বানরী, ভেড়া,  
হাড়গিলে, ভালুক-ভালুকী, ইত্যাদি ।

পরীগণ ।

# সত্যতার পাণ্ডা ।

(পঞ্চরংগ)



## প্রথম দৃশ্য ।



সত্যতার বাটী ।

সত্যতা । (গীত) —

আমার মুখে হাসি চোখে ফাঁশি ভুবনমোহিনী ।  
মাদকতা প্রবঞ্চনা চিরসঙ্গিনী ॥  
অনাচার আমার কণ্ঠহার,  
দাসী হ'য়ে চরণ সেবা করে ব্যভিচার,  
আমি মধুমক্ষা কথা কয়ে আগে ভোলাই কামিনী ॥  
হৃদাসনে সযতনে পুজি অহঙ্কার,  
সে যে প্রাণপতি আমার,  
আমার হৃদয় রতন, যতনের ধন, জোর করি ত তার,  
আমি তার গরবে গরবিনী আদরে আদরিণী ॥

পুৰাতন বৰ্ষের প্রবেশ।

সভ্যতা। গুডমর্নিং ওল্ড ইয়ার! নিউ ইয়ার কে হবে কিছু  
ঠিক করলে?

পু-বর্ষ। আজ্ঞে আপনি দেখে শুনে নিন, মনের মত তো  
কারকে ঠেকে না, মহাত্মা নব্বই সাল, একানব্বই,  
বিরানব্বই, তিরানব্বই সাল যে সকল বঙ্গের উন্নতি সাধন  
করে গিয়েছেন তার ত আর তুলনাই হয় না। বিধবা-  
বিবাহ, জী-স্বাধীনতা, বালা-বিবাহ রহিত, কনসেট-  
অ্যাক্ট প্রভৃতি মহা মহা কীর্তি স্থাপন করে গিয়েছেন;  
আমি যথাসাধ্য চেষ্টা করে রোদ, বৃষ্টি, হিম সয়ে, সে সকল  
কীর্তি যে বজায় রাখতে পেরেছি, আজও যে আপনার  
নামে কলঙ্ক অর্পণ করিনি, এইতেই আপনাকে ধন্যবাদ  
দি। কাজে আন্তে পারি বা ন্যু পারি, হিঙ্গুর ডাইভোর্স  
অ্যাক্ট সম্বন্ধে কথা উত্থাপন করেছি।

সভ্যতা। না তুমি খুব উপযুক্ত! খুব উপযুক্ত!

পু-বর্ষ। এখন আমার দারুণ চিন্তা হয়েছে কে যে পঁচানব্বই  
সালও গ্রহণ করবে, তা কিছু ঠিক কর্তে পারছি নে,  
দেখছি সব ছেলেমানুষ, এ হিন্দু ডাইভোর্স অ্যাক্ট  
যে চলিত করতে পারবে এমন ত আমার ঠেকে না।

সভ্যতা। জ্ঞাথ তুমি ভেব না, এই তুমিও তো ছেলেমানুষ ছিলে  
তোমায় আমার সম্মান কে শেখালে! জ্ঞামারি তো  
সঁহচরীয়া, প্রবঞ্চনা, মাদকতা, অনাচার, ব্যভিচার,  
এরাইতো তোমায় শিথিয়ে পড়িয়ে মানুষ করেছে?  
ওরির ভেতর একটু সোনারা সট্ট ছোঁড়া দেখে নাও।

পু-বর্ষ । একটা ছোঁড়া নিতান্ত মন্দ নয়, সে যা যা ক'রবে বলছে যদি পারে, ছোঁড়াটা নাম রেখে যাবে, কিন্তু তার কথায় বিশ্বাস হচ্ছে না । সে সব ফটোগ্রাফ এনেছে চমৎকার চমৎকার, বলছে সে এই সব পারবে ।

সভ্যতা । তুমি এ সব অ বিশ্বাস ক'র না । তোমার পূর্ব পূর্ব মহাত্মারা কি কাজ না করে গেছেন, আর তুমিইবা কি না করলে ? একি কেউ সম্ভব ভেবেছিল, হিঁড়তে মুরগী থাকবে ? বামুন খুঁটান হবে ? কুলের বধু মেম সেজে হাওয়া থাকবে, পূজার সাহেবের থানা হবে, বাপ ব্যাটার গার্ডন পার্টি করবে, বেস্তার সঙ্গে স্ত্রীর আলাপ করে দেবে, বাপ মাকে পৃথক করবে ? তুমি তো সব জান, তোমায় আর কি বলবো ! আর ধর না, তুমিই যখন ফটোগ্রাফ দেখিয়েছিলে, তিরানবরই সাল কি না বলেছিল ? যে “ও ছেলে মানুষ পেরে উঠবে না ।” তুমি হিন্দু ডাইভোস অ্যাক্ট কলনা করলে, আর ঘারবাড়া নাই, রামায়ণ মহাভারতকে অশ্লীল প্রমাণ করলে ।

পু-বর্ষ । তা পারে ভাল । দেখুন ঐ আসছে, আমি বুড় হয়েছি, শীতে আর দাঁড়াতে পারছি নে, এই কটা দিন কাজ করছি, পয়লা থেকে আমায় ছুটি দেবেন ।

সভ্যতা । অবিশ্রি ! \*কালগর্ভে তোমার জন্ম যশের মন্দির হয়েছে, পেন্সেন্ন নিয়ে সেখানে গে বিরাম ক'রো । তবে যদি কখন কোন নতুন বৎসরে তোমার কীর্তির কোন নজীর দরকার হয়, তা এক একবার এ'সে সাক্ষী দিয়ে যেও ।

পু-বর্ষ । তা আমায় সাক্ষী দিতে আস্তে হবে না, রাষ্ট্রবাড়ি

থেকে কুটির পর্য্যন্ত আমার নজীর পড়ে আছে, আমার  
শীল মোহর করা। তা অমুমতি হয় তো আসি।

সত্যতা। দ্যাখ, এই কুঠমাস আসছে, এই কীর্তি রেখে  
যাবার দিন, এ সময় আলিদ্যা ক'রনা।

পূ-বর্ষ। হাঁ, তা কি হয় !

সত্যতা। গুড্ ডে।

[ পুরাতন বর্ষের গ্রন্থান।

( নূতন বর্ষের প্রবেশ। )

নব-বর্ষ। শুভমর্গিং লেডি !

সত্যতা। তুমি কি নূতন সাল হবার প্রার্থনা কর ?

নব-বর্ষ। ইয়েস্, প্রবং, নিশ্চয়, জরুর ! আমার এই চারখানা  
ফটোগ্রাফ্ দেখুন। এম্নি কাজ ক'রে যশের মন্দিরে গে  
শোব ইচ্ছে ক'রেছি। এর সজীব ছবি আমার আছে,  
দেখতে চান্ দেখবেন্ আসুন।

সত্যতা। এ সব তুমি পারবে ?

নব-বর্ষ। আজ্ঞে হাঁ। না পারি, কাজ দেবেন না। চুরানব্বই  
আমায় বিশ্বাস করছেন না, আচ্ছা উনি দেখুন, ওঁর  
চক্ষের উপর দেখাই। আমি নাম চাইনি, এই ক্রমাসেতে  
ওঁর কদুর মুখ উজ্জল করি।

সত্যতা। আচ্ছা তুমি কাজ আরম্ভ কর। এক একটা কাজ  
করে, আমায় খবর দিও, আমি দেখে নেবো। যাও  
কাজে যাও।

নব-বর্ষ। যে আজ্ঞে ।

[ সত্যতা ও নব বর্ষের গ্রন্থান।

## দ্বিতীয় দৃশ্য ।

চোরঙ্গীর রাস্তা ।—( বেঙ্গলক্রাবের সম্মুখ )

( এক জন বিউগেল ও ছয়জন হাওবিল লইয়া প্রবেশ । )

বিউ-বাদক । কুম্বাসের দিন সাতপুকুরে বরের নীলেম হবে ।  
যে যেমন চাও তেমনি পাবে, এই হাওবিল নিন, আর গান  
শুধুন নেচে গাই ।

গীত ।

হবে নুতন নীলেমে, নুতন বরের আমদানী ।  
হর রকম বর পাওয়া যাবে, বুড় যুব বাচ্‌কানী ॥  
বিকুবে হায়েষ্ট্রিবিডারে,  
ক্যাসগ্রাইসে পাবেনা ধারে,  
পয়সা ফেল, হাত ধরে নাও পছন্দ যারে,  
হররকম প্যাটেনের গড়ন, বে প্যাটেন নাই একখানি ॥  
আড়ং ছাঁটা, টেরিকাটা ফিট,  
ফ্যাসানেবল্ ড্রেসকরা নিট,  
সব্য ভব্য ত্রেক করা টিট,  
হবে না সিক্ অর সগি, আড়্‌মে দিও চাবকানী ॥



( হাণ্ডবিলওয়ালার হাণ্ডবিল পাঠ । )

১ম হাণ্ড । নিউ অক্সন ! নিউ অক্সন !! নিউ অক্সন !!!

সেভেন্ ট্যাক্স ভিলা !

এক্স মান্ ডে—টোইণ্টী ফিফ্ ডিসেম্বর,

এইট্টীন নাইণ্টী ফোর,

টু বি সোল্ড টু দি হায়েষ্ট বিডার,

ফাষ্ট ক্লাস আইড গ্রুন্স !

ওয়েল ড্রেষ্ট, সিভিলাইজ্‌ড-ডোসাইল, এণ্ড টেম !

কাম্ ওয়ান্ এণ্ড অল্ !

নূতন নীলম ! নূতন নীলম !! • নূতন নীলম !!!

সাতপুরুষ বাগানে ।

বড় দিন ২৫শে ডিসেম্বর, ১৮৯৪ সাল ।

হায়েষ্ট বিডারে বিক্রি !

প্রথম শ্রেণীর ভাল বর ! ভাল পোষাক ।

সভ্য—নিম্ন—পোষমানা !

এস একজন ও সকলে !

[ সকলের প্রস্থান ।

## তৃতীয় দৃশ্য ।

### ভবতারিণীর বাটী ।

(ভবতারিণী ও বিবেচনারীর প্রবেশ ।)

ভব। এস এস, অনেক দিনের পর দেখা হ'ল। পাচ  
ঝঞ্জাটে আর হাওয়া খেতে যেতে পারি নি, আখাও হয়  
না, তবে কি মনে করে ?

বিবে। ভাই, নেমস্তন্ন কর্তে এসেছি ।

ভব। কি, পাটি টাটি কি কিছু আছে নাকি ?

বিবে। না, তা নয়, কত্যা যাত্রের ।

ভব। বে কার ?

বিবে। কেন, কিছু শোন নি ? বক্তৃতাও পড়নি ? এড্-  
ভার্টাইজমেন্টও দেখনি ?

ভব। আর ভাই, পাচ ঝঞ্জাটে ক্রি আর কিছু দেখতে শুনতে  
পাই ! হাওয়া খেতে তো যেতে পারিই নি, একদিন যে  
জিম্ভাসিয়েনে যাব, তাও হয়ে উঠে না। কার বে ?

বিবে। আমার ।

ভব। বটে বটে, ইস্ তাই তো !

বিবে। তোমা'র ভাই যেতেই হবে ।

ভব। ভাই, তাইতো ভাবছি !

বিবে। না, ও ভাবছি না ।

ভব। আমার কি ভাই অসাধ ? আমি তোমার কোন্ বে তে  
কত্যাযাত্রী যাই নি বল ? প্রথমকার বেতে বাসর

জাগি, দ্বিতীয় বে তে তেরান্তির ছিলুম, যদি না ঝঞ্ঝাটে  
পড়তুম, তুমি জোড়ে ফিরে অংসা অবধি তোমাদের  
বাড়িতে থাকতুম। তুমি কি ভাই আমার পর?

বিশ্বে। এত ঝঞ্ঝাটটা কিসের বল দেখি?

ভব। সে কথা আর তোমায় কি বলবো বল! এই ভোরে  
ওঠা, টিথ্ বুরুশ দিয়ে দাঁত মাজা, গোয়লখানায় যাওয়া,  
ছোট হাজরে বড় হাজরে খাওয়া—কর্তার সঙ্গে বসে খেতে  
হয়, কর্তা একলা খায়না—টাকিনি, ডিনার, তিনবার ড্রেস  
করা, তারপর মেয়েকে বোকে পড়ান।

বিশ্বে। কেমন শিখছে কেমন?

ভব। মেয়ে আমাব পেটের, বিয়ে পাস করেছে। রাইটীং,  
বক্সিং, জিমন্যাস্টিক পর্য্যন্ত শিখেছে। তবে বোটা  
মাস্ক হলনা। আমি বারণ করেছিলুম যে ছোট ঘরের  
মেয়ে এন না, কর্তা গুনলে না।<sup>\*</sup> সে সেই আইবুড়ী মত  
ষোন্টা দেবে, ছেলের সঙ্গে বেড়াতে যাবেনা ছোড়া  
চড়বে না, গাউন পরবেনা, ছপাত ইংরেজিও পড়বে না।

বিশ্বে। তবে তো বউ টা বয়ে গেল।

ভব। তা গেল বই কি! আসুক ছিটিধর বিলেত থেকে  
আসুক, বলছে মেম্ বে করে আসবে। তদিনে ডাই-  
ভোস অ্যাক্টাও পাস হবে, উরির মধ্যে দৈখে গুলে বো-  
টার একটা বে দেব।

বিশ্বে। দেখ, ঘর ঘরকন্নার কাজ কর্মতো আছেই, কাল এক  
বার ফুরসত করে শুভদৃষ্টির সময় গিয়ে দাঁড়িও।

ভব। ভাই একটু ফুরসত নেই, কাল কর্তার শ্রাদ্ধ।

বিশ্বে । সে কি ? আস্বের সময় ভো দেখলুম তিনি গাড়িতে উঠছেন ।

ভব । হাঁ, ডেথ্ রেজেষ্ট্রী কর্তে গেল ।

বিশ্বে । বটে ! তোমার কি বে দেবেন ?

ভব । না, তা না । কি জান, ছিষ্টধর পরশু মেলে বিলেত যাবে, ঘেসেড়াগিরী শিখবে । কাজটা বড় শক্ত, ব্যারিষ্টারী ডাক্তারী নয়, যে ছ এক বছরে হবে ; এসে ঘেসেড়ার আফিস খুলবে । সেখানে অন্তত বছর দশেক শিখতে হবে, অ্যাড্বিনে কর্তার ভাল মন্দ হোক, শেষ কি ব্যাটা থাকতে ব্যাড়া আঙুনে পুড়বে, না জ্ঞাতে শ্রদ্ধ করবে ? তাই পুরুষ ঠাকুর পরামর্শ দিয়েছেন, আজ ছিষ্টধর মুখ-অগ্নি করে কাচা নিয়ে থাকবে, কাল সকালে শ্রদ্ধ করে, পরশু মেলে উঠবে ।

বিশ্বে । বটে ? তবে ভাই আর তোমার কি বলবো !

ভব । তোমারো বে শুনছি, তোমায়ই বা কি বলবো ! তা নৈলে একবার শ্রদ্ধ টান্ধ দেখে যেতে । তা সকাল সকাল তে বে চুকে যাবে, একবার তোমার নিউডিয়াকে নিয়ে এদিকে আসতে পারবে না ?

বিশ্বে । দেখি কঙ্কুর হয় বলতে পারিনি ।

ভব । হাঁ, ভাল কথা মনে হলো, কর্তা ডেথ্ রেজেষ্ট্রী করে এলেই আনায় কঁাদতে হবে ; কখনোত স্বামী মরেনি, কি করে কঁাদতে হয় জানিনি, অসভ্য কান্নাও কঁাদতে পারবোনা ।

বিশ্বে । ও সোজা । আমার স্বামী মরতে, ক্রমাগত অবুটু

অডিকলোম দিগে মুখে দিলুম, অডিকলমের বাঁজে চোক  
দে জল পড়তে লাগলো, আর ফোঁপাতে লাগলুম।

ভব। থ্যাঙ্ক্‌ইউ! বড় বাধিত হলেম!

বিশ্বে। তবে ভাই এখন চল্লুম। আমার দাঁড়বার জো নেই,  
এখনি ক'নে দেখতে আস্বে।

ভব। একটু দাঁড়াও, আর একটা পরামর্শ জিজ্ঞাসা করি। কর্তা  
ব'ল্ছে যে মরণ বাঁচনের কথা তো কিছু বলা যায় না,  
এক সঙ্গে মুখ অগ্নিটা করে রাখবে।

বিশ্বে। তা মুখো অগ্নি কর করবে, খবরদার শ্রদ্ধাটা কঠে  
দিওনা।

ভব। কেন বল দেখি, কেন বল দেখি?

বিশ্বে। না, আর একটা বে আগে হোক।

ভব। তেমন কি কপাল দিদি, তেমন কি কপাল! কর্তা কি  
আর সত্যি সত্যি মরতে পারতো না, তা কৈ রাজি  
'হয় কৈ! ছোটো বৈ আমার বরাতে নেই আমি  
বুঝছি।

বিশ্বে। কেন, কর্তার শ্রদ্ধা হলেই তুমি বে করতে পারবে, আইনে  
বাধবে না।

ভব। ভা তুমি বে থা করে এসো, এ গোলমাল ঝল চুকে বাক্,  
তারপর যা হয় পরামর্শ করবো।

বিশ্বে! তবে আসি?

ভব। এস দিদি এস।

[ বিশেষরীর প্রস্থান। ]

এই যে কর্তা আসছেন!

(নীলাকান্তের প্রবেশ।)

কি গো! এত দেরি?

নীল। কি করবো বল, রেজিষ্টার ব্যাটা আহাম্মুক্ কোন রক-  
মেই রেজেষ্ট্রী কর্তে চায় না। আর সে ব্যাটার যে কথা,  
কে মরেছে, কি সে মলো, ব্যাটা যখন চোটপাট্ স্তন্থে  
তখন থ হয়ে রৈল।

ভব। তুমি কি বল্লে, তুমি কি বল্লে?

নীল। বল্লেম, আমি মরেছি, চুরট থেয়ে।

ভব। তা এইতে এত দেরি?

নীল। না, আর পাঁচজন বন্ধুবান্ধবকে নেমস্তন্ন করে এলুম,  
ছিষ্টধর বলেছে, শ্রাদ্ধর পর গার্ডেন পার্টি হবে।

ভব। বল কি! তবে আমরা তো ছ পঁচ জন বন্ধু বান্ধবকে  
বলতে হবে, আমি এই বেলা বেরিয়ে পড়ি।

নীল। দাঁড়াও, পুরুণ ঠাকুর আসুন, তিনি বলেছেন তোমার  
মুখঅগ্নির পব তোমার শ্রাদ্ধ নন্দ থাকবে না।

ভব। তুমি কি আমারও ডেথ রেজেষ্ট্রী করে এসেছ নাকি?

নীল। করলুম বৈ কি! এবারে বড় রেজেষ্ট্রার ব্যাটা জন্ম  
হ'ল। মুদ্রফরাশকে কিছু দিয়ে, একটা কলেজের  
মুদ্র দেবিয়ে বল্লুম এই আমার জী।

ভব। ছিঃ তুমি বড় অসভ্য! আমি চল্লুম, আমি কাটিয়ে আসি  
গে, আমি কি ওম্‌নি অসভ্য মবণ মরবো?

নীল। তুমি আমার তেমনিই পেলে বটে! দেখে এস গে  
এখনো লাস্ জলে নি, আগে গাউন পরিয়ে তবে লাস  
দেখিয়েছি।

ভব। তাই তো বলি, ডাইতো বলি, তুমি কি এমন অসভ্য কাজটা করবে!

(পুৰোহিতের প্রবেশ)

পুরো। কি গো! তুমি আবার কি অমত করছো? মুখ-  
অগ্নির পর কি শ্রাদ্ধ বন্ধ থাকে? শ্রাদ্ধ কর্ত্তেই হবে।

ভব। তা যা ভাল বোঝেন, কিন্তু আমার একজন বন্ধুর বড়  
অমত, সে বলে আর একটা বের পর তবে তোমার  
শ্রাদ্ধ ক'রো।

পুরো। তা, শ্রাদ্ধের পরও বে চলবে।

ভব। তাই'লে আর আমার আপত্তি নেই।

পুরো। তা এস, ছিষ্টধর আসছে, মুখঅগ্নি-ট এখন সেরে  
যাই। ভাবছি আজ রাত্রেই শ্রাদ্ধটা সারবো। কাল  
আবার একটা বে দিতে হবে।

(ছিষ্টধরের প্রবেশ।)

ছিষ্ট। বাবা! বাবা! প্যাসেজ্ এন্‌গেজ করে এলুম।

ভব। পূৰ্ণ ঠাকুর বলছেন আজি তোমায় শ্রাদ্ধটা সারকে  
হবে।

ছিষ্ট। বেস কথা, কাজটা সেরে রাখাই ভাল। পাঁচ জন  
বন্ধু বান্ধবের সঙ্গে দেখা করবার কাল ফুরান্বে পাব।

পুরো। তবে মুখঅগ্নি করবে এস।

ছিষ্ট। এই খানেই হোক না, আমার ঠেঁগে লুসিফার ম্যাচ  
আছে।

পুরো। তবে ছুট আলো, ছুজনের মুখে দাও ।

( ছিটিধরের তথা করণ )

তবে কাচা গলায় দিয়ে বাইরে এস ।

ছিটি। আর কাচা গলায় দিতে হবে না, আমার ঠেয়ে কালো ফিতে আছে ।

পুরো। ওঃ ! “উত্তোগী পুরুষো সিংহ” এমন নৈলে ব্যাটা ?

তবে বাইরে এস, শ্রদ্ধটা সেরে যাই । তোমাদের আর

কি, মুখঅগ্নি হোয়ে গিয়েছে, যে যার কাজে যাও ।

ব্রাহ্মণ ভোজনের উজ্জুগ করগে ।

[ পুরোহিত ও ছিটিধরের প্রস্থান ।

নীল । গিন্নি একটা কথা ভাবছি ।

ভব । আমিও ভাবছি ।

নীল । কি বল দেখি ?

ভব । তুমি বল দেখি ?

নীল । ভাবছি ফ্যান্সি বাজারে যাব ।

ভব । ভাবছি বরের নীলেমে যাব ।

নীল । বরের নিলেমে যাবে কি কস্তে ?

ভব । তুমি ফ্যান্সি বাজারে যাবে কি কস্তে ?

নীল । তুমি কিম্বর কিন্বে ?

ভব । হঁ । তুমি কি কনে কিন্বে ?

নীল । হাঁ

ভব । বেশ কথা

নীল । বেশ কথা । তবে এস ছুজনে কাঁদি ।

ভব । নাও, এই এসেক্স চোখে দাও । ( উত্তয়ে রোদন )



নীল । হোয়েছে ?

ভব । অনেকক্ষণ । আমি চোখের ক্রমাল খুলেছি ।

নীল । আবাব কি ভাবছো ?

ভব । ভাবছি, আইনে বাধবে কি না ।

নীল । না বাধবে না, ডেথ্ রেজেন্সী হোয়ে গিয়েছে ।

ভব । ঠিক !—গুড্ বায় ।

[ উভয়ের সেক্‌হাও ও প্রস্থান ।

## চতুর্থ দৃশ্য ।

ওল্ডকোর্টহাউস স্ট্রীট বা লালদিঘীর ধারের রাস্তা ।

কুলাঙ্গনাগণ—

গীত ।

ফ্যান্সি হোয়েছে যাব ফ্যান্সি বাজারে ।

ফ্যান্সি ধাঁজে, ফ্যান্সি কাজে, ফ্যান্সি বাহারে ॥

ফ্যান্সি আছে যার,

দেখতে যাবে সে ফ্যান্সি বাজার,

ফ্যান্সি দরে কিনে নেবে ফ্যান্সি ফুলের হার,

ফ্যান্সি কার্পেটের জুত দেব ফ্যান্সি হয় যারে ॥

ফ্যান্সি হেসে কেউ যদি সহি ফ্যান্সি কথা কয়,

ফ্যান্সি চোকে দেখবো চেয়ে ফ্যান্সি যদি হয়,

ফ্যান্সি নৈলে নয়,  
ফ্যান্সি প্রাণে সয় কি লো সই,  
যে না ফ্যান্সির ধার ধারে ॥

## পঞ্চম দৃশ্য

বিবাহের সভা ।

( সর্কেসর, শশীভূষণ ও দিহুর প্রবেশ । )

সর্কেস । মশায়, নশিরাম বাবুর মাতুল ?

শশী । আজ্ঞে হ্যাঁ, আর ইনি আমার বন্ধু ।

দিহু । ইনি বল্লেন চল কত্রে দেখে আসি, এলেম সঙ্গে ।

পাত্রীটী আপনার কে মশাই ?

সর্কেস । আজ্ঞে, আমার পরিবার ।

শশী । ওহে, কি বলে কি ?

দিহু । আরে, কথার ভাব বোঝনা, ভদ্রলোকের সঙ্গে কথা

কইতে দাঁও ! উনি বলছেন, আমার পরিবারস্থ ! তবে

বুঝি পাত্রীটির পিতা নাই ?

সর্কেস । আজ্ঞে না, তিনি আজ ত্রিশ বৎসর পরলোক গমন

করেছেন ।

শশী । ওহে, কি বলে কি এ ?

দিহু । তুমি বৈবাহিক, তোমার সঙ্গে পরিহাস ক'চ্ছেন ।

আমরা ওসব বুঝি। মশাই, এ সব আয়োজন কি দেখতে পাচ্ছি ?

সর্কে। আজ্ঞে, নান্দিয়েথের আয়োজন ।

দিহু। দেখ শশীভূষণ, আমি বুঝতে পেরেছি, ইনিই তোমার বৈবাহিক । লোকটা দেখছি স্মরসিক, তোমার সঙ্গে পরিহাস ক'চ্ছে ।

সর্কে। আপনি কি বলছেন মশাই ? পরিহাস ক'রছি কি ? নশিরাম বাবু আপনাদের কিছু বলেন্ নি ?

দিহু। নশিরাম আমাদের কত্যা দেখতে পাঠিয়েছে । তা যাক্, ও সব কথা যাক্, কত্যাটার পরিচয় কি মশাই ?

সর্কে। পরিচয় অতি আশ্চর্য্য ! ইনি বিন্দাবন বিশ্বাসের কত্যা, তিরিশ বছরে বিধবা হন, আজ দশ বৎসর আমার প্রাণ-গিনী, আজ শুভদিনে নশিরাম বাবুর হস্তে অর্পণ কর্বো ।

শশী। শুহে দিহু ! বলে কি ?\*

দিহু। মঙ্করা ক'চ্ছে ! মঙ্করা ক'চ্ছে ! বোধ হয় পাত্রীটি এ'র শালী টালি হবে ! তা বেশ মশাই পাত্রীটি আছেন ।

সর্কে। তিনি আসছেন ।

( বিবেশ্বরী ও কুমুদিনীর প্রবেশ )

উভয়ের গীত ।

দোজ পক্ষের ভাতার ইটি চমৎকার ।

আমার হাক্ সেয়ার, আর হাক্ সেয়ার পেয়েছে

এই মাইডিয়ার সিস্টার ॥

এমনি ভাতার পেলে পরে পর,  
বছোর বছোর সাজবো কণে, পাব নতুন বর,  
গুণের নিধি ভাতার খুব জবোর,  
এমন মুরক্ষি ভাতার আর কি আছে কার।  
ভাতারের শুধুবো কিসে ধার ॥

দিহু। দেখ্ছো দেখ্ছো, বলেছিলেম এঁরা সব স্মরসিক লোক।

এ ছুটা কি নর্তকী ?

সর্কে। কি ! এঁরা আমার পরিবার।

দিহু। তা বটে।

শশী। ও দিহু ! আজ বিভ্রাট দেখ্ছি।

দিহু। আঃ ছিঃ ! তুমি মক্কা বোক না ?

সর্কে। বড় ডিয়ার !

বিশ্বে। হাফডিয়ার !

সর্কে। ইনি তোমার মামাখুন্তর, এঁর সঙ্গে সেক্‌হ্যাও কর

বিশ্বে। গুড্‌মর্নিং ! আর হাফডিয়ার ইনি কে ?

সর্কে। উনি গুর বন্ধু।

কুমু। সিস্টার ডিয়ার !

বিশ্বে। সিস্টার ডিয়ার !

( উভয়ের আলিঙ্গন )

শশী। ওহে দিহু চলো, বড় বিভ্রাট !

দিহু। দাঁড়াও দাঁড়াও অভিনয়টা দেখি। এছটা কি থিয়েটার ?

থেকে আনা হয়েছে ?

সর্কে। কি! আমার পরিবারের সামনে অশ্লীল কথা আপনি  
উচ্চারণ করেন?

শশী। কেন মশাই থিয়েটার কি অশ্লীল কথা হলো?

সর্কে। খুব অশ্লীল! আপনি যদি নসিরাম বাবুর মাতুল না  
হতেন তো টেরটা পেতেন।

দিহু। শশী বুঝলে, এও একটা অ্যাক্টার।

সর্কে। মশাই বড় শক্ত শক্ত বলছেন আমার।

দিহু। না বাপু না, নাচ গাওনা কি করবে কর। ওগো  
বাছারা তোমরা অভিনয় শুরু কর।

সর্কে। বড় ডিয়ার! আমি এ উজ্জ্বলের কথায় খুব রাগছি।

বিশ্বে। রেগো না প্রাণনাথ, রেগো না।

সর্কে। আচ্ছা রাগবোনা, আমি গম্‌ থেয়ে নসি।

দিহু। হাঁ বাছা তোমাদের পালাটা কি?

বিশ্বে। বিবাহ পালা।

শশী। ওহে পালাই চলো। বুঝছেন এই বেটাই কণে।

বিশ্বে। পালাবেন কেন? যদি অনুগ্রহ করে এসেছেন, বে  
দিয়েই ঘরে নিয়ে চলুন।

(নেপথ্যে ঐক্যতান বাদন।)

সর্কে। বড় ডিয়ার! বুঝি তোমার বর আম্‌ছেন?

কুমু। উলু—উলু—উলু—উলু—

দিহু। ঝ্যাংগা এঁর এ বেশ কেন?

সর্কে। উনি ঘোড়ায় চড়তে যাবেন।

দিহু। ইনি কি সার্কাস করেন?

সর্কে। 'ছোট ডিয়ার! খুব রাগছি।

কুম্ভ। তুমি ভারি ষ্টুপিড তাই রাগ'ছো। আমি তো সার্কাস করবোই, তবে সিস্টার ডিয়ারের বে, এই জন্তেই এতক্ষণ বাড়িতে আছি।

(নসের প্রবেশ।)

শশী। ও দিহু! এ যে আবাগের ব্যাটা নসে হে!

দিহু। বাঃ বাঃ! বড় ঠিক সেজেছে!

শশী। আরে সেজেছে কি? সেই আবাগের বেটা দেখ'চ না?

নসে। হাজরা মশায়! কনে তো দেখিয়েছেন, শিগুগির সম্প্রদান করুন।

দিহু। ওহে শশী! আমি কিছু বুঝতে পারছি নে।

শশী। আর বুঝবে কি, আমার গুপ্তীর পিণ্ডি! ও বেটা এ বুড়ীকে বিয়ে করবে তবে ছাড়বে! ও আবাগের বেটা! তুই এই মাগীকে বিয়ে করবি নাকি?

নসে। মামা তার আর সন্দেহ রান্ন?

দিহু। ও বাবু ও হাজরা মশায়! এখন আমি সব বুঝছি। তুমি বড় মাগটির বে দেবে? আর ছোটটির?

কুম্ভ। আমি বরের নীলেম থেকে একটা দেখে শুনে নিয়ে আসবো।

দিহু। ও বাছা! এদিকে এসতো, এদিকে এসতো! বরের নীলেমটা কি শুনি?

নসে। দেখতে যাবেন, আপনাকে টিকিট দেবো।

শশী। ঐ নসে বেটা নীলেম করেছে। আমি বলি কিসের নীলেম!

দিহু। তবে চল আর কি, চুড়োস্ত হ'লো!

## সমাজের পাণ্ডা।

নসে। মামা যেওনা যেওনা, আর বেশী দেয় নাই, উনি  
৫ মিনিটের ভেতর নান্দীমুখ সেয়েই কথা সম্প্রদান কর-  
বেন। এই যে পুরুষ মশাই এয়েচেন।

(পুবোহিতের প্রবেশ।)

দিহু। মশায় বুঝি এই বিবাহের পুরোহিত ?

পুরো। কেন, আপত্য কি ?

দিহু। এ রকম বিবাহ আর কটি দিয়েছেন ?

পুরো। আপনি আমার সঙ্গে ব্যঙ্গ করছেন ? আমার  
চেনেন না, আমি স্থতিরত্ন, নূতন স্থিতি ক'রেছি তাতে  
সম্পূর্ণ ব্যবস্থা আছে যে, কথা সম্প্রদান করতে পারে এক  
বাপ্ আর স্বামী।

নসে। মামা, মামা, ইনি বড় উচুদরের পণ্ডিত, ইনি বড় উচু-  
দরের পণ্ডিত, এঁর সঙ্গে তামাসা না।

দিহু। তবে পুরোহিত মশায়, স্বামী কল্যাকর্তা হ'লে বরের  
সঙ্গে কি সুবাদ হবে ?

পুরো। অতি আশ্চর্য্য সম্বন্ধ ! একপ সম্বন্ধ কেউ কখন  
শোনেনি, ভায়রাভাই শগুর !

দিহু। পুরুষ মশাই ! আপনি বেঁচে থাকবেন তো ?

শশী। এরা কেউ মরবে না ! কেউ মরবে না ! তা  
তুমি দেখো !

পুরো। তুমিতো দেখছি খুব মেধাবী ! তুমি একটা কাজ কর,  
আমার ব্রাহ্মণীকে বিবাহ কর। তুমিও অমর হই পাবে,  
দেশে দেশে যশ করবে। এ সব নতুন কারখানা, কোন  
দেশে নাই।

দিহু। এইটি ভট্টাচার্য্য মশাই ঠিক বলেছেন ! হিন্দু মুসলমানে,

ত্রিষ্টানে এ আইন নাই !

পুরো। এই হিন্দুর ভেতর চলন ক'লেম আমি।

শশী। ওহে চল চল।

দিহু। আরে দাঁড়াও, তোমরা মামা ভাগ্নেতে ক'নে জোটায়ে,

আমার অন্তঃকৈ কি হয় দেখি।

কুমু। তোমার অদেষ্টেও ক'নে জুটতে পারে।

দিহু। তা কই জুটুক না।

কুমু। যদি স্বীকার পাও তিন দিনের ভেতর মরবে, আমি

তোমার ক'নে হ'তে স্বীকার।

পুরো। মশাই মশাই, স্বীকার পান, স্বীকার পান, মলেনই বা ?

খুব নাম রেখে যা'বেন।

নসে। আর ম'রতে কোন কেলেশ হবে না, আমি ইলেক্ট্রিক্

ব্যাটারি দে আপনাকে মারবো।

সর্কে। উঃ আপনার দেখচি ভারি অদৃষ্ট ! আপনার বৈজ্ঞা-

নিক মৃত্যু হবে !

দিহু। তোর সাতগুটীর হোক ! ওঠে ওঠে।

পুরো। কেন, আপনারা যাচ্ছেন কেন ?

দিহু। যাচি মতিচ্ছন্ন হ'য়েছে, আর কেন।

সর্কে। সেকি সেকি যখন পদার্পণ করেছেন, কিঞ্চিৎ জলযোগ  
করে যেতে হবে।

দিহু। ভোরপুর আনন্দ হয়ে গিয়েচে, বাবু ভোরপুর আনন্দ

হয়ে গিয়েচে ! যে সব কথা শুন্লেম তিন দিন আর

থেতে হবে না।



কুয়ু। আপনি আমার ইন্সট করছেন! যদি না বলেন,  
আপনাকে চাব্কে দেব।

শশী। ও দিছ, বোসো, বোসো, বোসো। ছুঁড়ী সত্যি চাব্-  
কাবে। আগে পালাতে তো পালাতে, ও মাগী তেড়ে  
চাবুক মারবে।

পুরো। মশাই রাজি হোন, আমি ব্রাহ্মণীকে ডেকে পাঠাই, এক  
দিনে তিনটে শুভ বিবাহ সম্পন্ন হোক।

শশী। নে নে নে কি করবি কর, আমরা ব'সে আছি। পুঙ্কণ্ড  
ঠাকুর একটা বে সাকন, তারপর কাল আমাদের বে  
দেবেন।

পুরো। আচ্ছা না করেন ভাল। এতে জোর নেই। একটা  
নাম রেখে যেতে পারতেন। বোম্বো হে নসিরাম!  
বিশ্বেশ্বরী এস, নাও এখন হাতে হাতে সঁপে দাও, আমি  
একটু ব্যস্ত আছি, কাল এসে নান্দীমুখ ক'রবো। নিদে!  
'এগুলো এখন সরিয়ে রাখ্।

( নিদেব প্রবেশ ও ব্রহ্মাদি লইয়া প্রস্থান। )

বলো এতদিন এ বড় ডিয়ার আমার ছিল, আজ তোমার.  
হ'ল।

( ভবতারিণীর প্রবেশ। )

ভব। বিশ্বেশ্বরী! ভাই, আমার শ্রদ্ধ হোসে গিয়েছে, আমি  
এসেছি।

বিশ্বে। তবে দাঁড়াও হাফ্ ডিয়ার! এখন হাতে হাতে  
সোঁপো না! আমার ক্রেণ্ড ভবতারিণী সাক্ষী হবে।

(নীলাকান্তর প্রবেশ ।)

নীল । সর্বেশ্বর বাবু ! আমার শ্রদ্ধ হয়ে গিয়েছে, আমি এসেছি ।

ভব । কি তুমি ফ্যান্সী বাজারে গেলে না ?

নীল । না, বরষাত্তের নেমস্তলটা সেরে যাব । তুমি বরের  
নীলেমে গেলে না ?

ভব । আমি কল্যাণ সেরে যাব ।

পুরো । আপনারা দুজন বর ক'ণে আনতে যাবেন না কি ?

নীল । আজ্ঞে হাঁ ।

নসে । কি মশাইদের বিবাহ কর্বেই হচ্ছে আছে ?

ভব । আছে ।

নসে । মশাই অনুগ্রহ করে আমার একটি কাজ কর্তে হবে ।  
আমার নীলেমে তিনটা লাটের অভাব । এড্‌ভাটাইজ  
করে ফেলেছি, না বর জোটাতে পারলে বড় অপমান  
হতে হবে, মামা, আপনি আর এই ভদ্রলোককে আমার  
এই উপকারটা করতেই হবে ।

পুরো । না, আপনি এইখানেই বিবাহ করুন । আপনি আপ-  
নার দ্বিতীয় পরিবারটা ছাড়ুন । আপনি ভবতারিণীকে  
নিন, আপনি কুমদিনীকে নিন, রাজচটক হবে ।

নসে । তবে আমার বরের কি হবে ?

পুরো । ঐ তো তোমার মামা আর উনি রইলেন ।

(বদ্যনাথের প্রবেশ ।)

বদ্য । ছিষ্টধর বাবুকে কুমদিনী গুঁই মিনেজারিতে টেনে নিয়ে  
গেল, তানইলে তিনি আস্তেন কি ? বরের দরকার,  
তা আমি আছি ভয় কি নসিরাম বাবু ?

শশী । ও দিহু, ধরে যে ! .

দিহু । ধরে ধরুক্, আমিও মরিয়া হয়েছি, তুমিও মরিয়া হও ।

শশী । আচ্ছা মরিয়া হলেম ।

পুরো । বেশ বেশ, তবে আপনারা বে করুন, আঁহা রাজচটক  
হবে, রাজচটক হবে !

( শশী ও দিহু ব্যতীত ) সকলে । বেশ বেশ বেশ ! আপনি  
তবে মন্তর পড়ান ।

পুরো । তোমরা আপনা আপনি মন্তর পড়ে নাও ।

দিহু । সে কি হয় ! আপনি মন্তর পড়ান্ ।

পুরো । এ বের এই মন্তর !

দিহু । এই কথাটি ঠিক বলেছেন !

( সকলের নৃত্য-গীত । )

কারখানা, জমকাল—

এখন চলন হলে খুব ভাল ॥

এই মলো তো এই মলো, বে হলো তো বে হলো,

খুব সোজা ওর বোঝা এ নিলে,

খুব মজা ফের বোঝা এ দিলে,

ক্যা জুং, ক্যা পুরুং কণে বর মজবুং,

উমেদার বর আবার বাজলা হলো উজ্জ্বলো,

মুখ্‌আলো ॥

## বর্ষ দৃশ্য ।

### রাস্তা ।

( ওল্ড ইয়ার নিউ ইয়ার ও কৃষ্ণমাসের প্রবেশ ও নৃত্য )

( সভ্যতার প্রবেশ । )

সভ্যতা ।

গীত ।

তোম্ তোম্ কাণ্ট' ক্ল্যাস্ নিউইয়ার !

তোম্‌সে কাম্ চলগা বেহেতর্

ওল্ড ইয়ার নো ফিয়ার !

এ তোমরা কাম্,

মেরা বাড়েগা নাম,

তোম্‌কে দেগা এনাম্;

বাড়তে রহো, কাম কর্তে রহো,

বাংলা চায়েন কর, বাংলা মেরি ডিয়ার !

দেখো কৃষ্ণমাস্ ভেরি মেরি,

মেরি ময়বি ভেরি,

তোম পিয়ারা মেরা মেরি ল্যাড চেরি !

দিয়া বাংলা তুঝেমে,

খেলো মজেমে,

কেকো কেয়ার, খেল্‌তে রহো হিয়ার ॥

## সপ্তম দৃশ্য ।

### সাতপুরুষের বাগান ।

নীলাম ঘর ।

( বিডার (নলে), সেলমাষ্টার, রাইটার, জারার, বুককিপার, বেহাবা,  
বৃদ্ধা, কিমেল ক্রেতাগণ, বিশেষরী, বরগণ ইত্যাদি । )

জারার । লাট সার্ভ্‌টীওয়ান । নিয়ে আস, নিয়ে আস । ও দাঁত  
দেখ্‌চেন কি ? পঁচিশের উর্দ্ধ বয়স নয় । পা দেখ্‌তে  
হবে না, বেশ মাচ্‌তে পারে, খিয়েটারে ক্লাউন সাজ্‌তো,  
মাজ্‌খানে সিঁতে, গালে জুলপি, পাজীর পাজী রোজ ছুঁতিন  
যা লাথি মার তাতে রাজী । হাওয়া খেতে নিয়ে যাবার  
সাথি আর এমন পাবেন না । সিগারেট ধরিয়ে দেবে,  
পাইপ টান্বে, যে কিম্বে ভারে মনিব জান্বে ।

১ম স্ত্রী । আট আনা ।

বিডার । গোইং, গোইং, এইট্‌ অ্যানাজ্‌, এইট্‌ অ্যানাজ্‌ ।

বৃদ্ধা । টেন্‌ অ্যানাজ্‌ ।

বিডার । বাড়ুন বাড়ুন, দশ আনার এমন<sup>১</sup> মাল্‌ট! বিকিয়ে  
যাচ্ছে ।

৩য় স্ত্রী । এগার আনা ।

১ম স্ত্রী । ইলেভেন হাক্‌ ।

বৃদ্ধা । ইলেভেন আনাজ্‌ প্রি পাই ।

বিডার । পৌনে বার আনার যাচ্ছে পৌনে বার আনার যাচ্ছে ।

ডাকুন ডাকুন, ইলেভেন অ্যানাজ্ থ্রি পাই, ইলেভেন  
অ্যানাজ্ থ্রি পাই । ইলেভেন অ্যানাজ্ থ্রি পাই (বিড্)

রাইটার । আপনার নাম কি ?

বৃদ্ধা । ধনমণি পোদ্দার ।

রাই । কুমারী না বিধবা ?

বৃদ্ধা । সধবা ।

রাই । তা বুঝি হাওয়া টাওয়া খাওয়ার মতন নিলেন ?

বৃদ্ধা । তা বইকি ।

রাই । এই টিকিট নিন্, ক্যাস্‌ঘরে টাকা জমা দিন্গে, রসিদ  
পাঠিয়ে দেবেন, মাল ডিলিভারি দেব ।

বৃদ্ধা । দাঁড়াও, আমি আরো মাল কিন্‌বো, একেবারে টাকা  
জমা দেবো । কি জানেন্ পাঁচটি স্বামী আমার মারা  
গিয়েছে, গোটা পাঁচ ছয় কিনে রাখি, যটা মরে যটা  
থাকে ।

রাই । তা নিন্ না যটা নেবেন মালের অভাব কি ।

ক্রায়ার । লাট সাবুটী টু । জেতে চাষা, বড্ড পোষা, জুত বুরুষ  
করে খাসা । ফুলগাছে জল দেবে, ফুলের তোড়া করবে,  
আর চাবুক বা লাথি জঘা মার তা থাকে ।

১ম স্ত্রী । ফাইভ্ অ্যানাজ্ ।

বৃদ্ধা । টেন্ অ্যানাজ্ ।

৩য় স্ত্রী । ওয়ান রুপি ।

বৃদ্ধা । টু রুপিজ্ ।

বিডার । টু রুপিজ্, টু রুপিজ্, টু রুপিজ্, (বিড্)

স্বা । ওরে মেদো ! এই যে বড়ী, বেটাই সব কিন্‌চেরেণ্

ওগো ও খদ্দের! শোনো না, তুমি আমার কিনো, আমি  
বড় খাসা বর।

১ম স্ত্রী। দাঁড়াও, তুমি আগে লাটে ওঠো তারপর বিবেচনা।

যুবা। দোহাই বাবা! ও বুড়ীবেটা না কিনে নেয়!

ক্রোয়ার। লাট সাবটী থ্রি। বয়েস আটাশ, খাটবে এটওটা ফাই  
ফরমাস, গান গাবে, হারমোনিয়ম শেখাবে, জুয়লো  
জিকেল গার্ডন দেখাবে। আর হাই সার্কেলে ইটো-  
ডিয়ুস করে দেবে।

বৃদ্ধা। টু রুপিজ।

১ম স্ত্রী। থ্রি রুপিজ।

বৃদ্ধা। সিক্স।

বিভার। সিক্স রুপিজ, সিক্স রুপিজ, সিক্স রুপিজ (বিড)।

যুবা। মেদো! তুই থাকতে হয় থাক আমি আর বরগিরি করবো না।

যেয়ার। এই চোপ্।

ক্রোয়ার। লাট সাবটী ফোর! দেখতে বুড়ো, কিন্তু আটে  
পিটে দড়! খোঁপা বেঁধে দেবে, সেজ সাজাবে, ছারপোকা  
মারবে, মশারি সেলাই করবে। আর যদি কেউ ভদর-  
লাক দেখা কর্তে এসে, তখন সেখান থেকে সরবে।

১ম স্ত্রী। টু পাইস।

৩য় স্ত্রী। থ্রি পাইস।

১ম স্ত্রী। থ্রি হাপ্।

৩য় স্ত্রী। ফোর।

বিভার। গোইং, গোইং ফোর। ফোর পাইস, ফোর পাইস।

মাইডিয়র! বড় সস্তাদরে যাচ্ছে তুমিই ডেকে রাখ।

বিশ্বে । না মাইডিয়ার !

বিডার । আরে বোঝোনা ; ডেকে রাখ, মালটা লাভে ছাড়তে পারবে ।

বিশ্বে । না মাইডিয়ার ! ও যদি মাল আমি রাখবোনা ।

বিডার । তবে বোঝো । ফোর পাইস্ । ( বিড )

রাইটার । আপনার নাম ?

৩য় জী । মনমোহিনী কুণ্ডু ।

রাইটার । সধবা না বিধবা ?

৩য় জী । বিধবা ।

রাইটার । ভালই হয়েছে । উনিও তেজ পক্ষের ।

৩য় জী । কি ঠুঁর ছুই জী মারা গিয়েছে নাকি ?

রাই । মারা কেউ যায় ননি । একটা সার্কাস করতে বর্ষ্যায় গিয়েছে, আর একটি বেস বিবাহ করেছে । তবে আর বলছি কি, মাল বড় ভাল মাল । আপনি যদি থিয়েটার করতে যান্ ম্যানেজারকে রেকমেণ্ড করবে । ক্যাস্ ঘণ্টা পরসাত্তা জমা দিন, রসিদ পাঠাবেন, মাল ডিলিভার দেব ।

ক্রায়ার । লাট্ সাবুণ্টীকাইভ । এটির বয়েশ পাঁচ বছর, ছইক্কী টুানে খুব জবোর, কথা কয় হেসে হেসে, যে কিন্বে তুলে রেখো গেলাশ কেশে ।

স্বদে বর—

গীত ।—

হাম্‌টী ডাম্‌টী টম্‌টী টম্ ।

কাম্‌ লেডি কাম্‌, খায়া বর্‌ হ্যায় হাম্‌,

লাল্‌লালা তারা রারা তারা রারা তাল্লা রারা রা ।



টেক্ মাই হ্যাও ওল্ড্ লেডী ফেয়ার,  
 ছয়া ক্যাসা খাশা পেয়ার,  
 লেট্ আস্ বি জলি, কাম ওল্ড্ পলি,  
 কিস্মি কুইক্ নো ভিলিড্যানি,  
 লাল্ লাল্লা সা নি ধা পা নি সা সা,  
 তারা রা রা রা তারা রা রা রা ॥

ক্রয়ার। এ বরের বড় বেশি দর। বড় বেশি দর।  
 পঞ্চাশ টাকা বাধা, বিট তার ওপোর। তা দেখুন,  
 আপনারা সব শেয়ারে নিন্, এক এক উইক্ এক  
 এক জন গেলাশ কেশে রেখে দিন।

ফিমেলগণ। লাটে চড়াও, লাটে চড়াও।

ব্রহ্মা। \* কি, বিড্ করবে? পঁয়বে না।

ফ্রিমল্গণ। আমরা শেয়ারে নেব, আমরা শেয়ারে নেব।

ব্রহ্মা। আচ্ছা লাটে উঠুক, আমার বিড্ সিক্স্ টি রুপিজ্।

ফিমেলগণ হ্যাণ্ডে ড।

ব্রহ্মা। বড় বেশি দর হলো।

বিডার। গোইং\*গোইং, হ্যাণ্ডে ড, হ্যাণ্ডে ড, হ্যাণ্ডে ড. (বিড্)

কুদে বর। আমি যাবনা। আমি একে ছেড়ে যাব না। এ  
 খুব হইকী থায়।

এক ফিমেল। এস যাচ্ এস! আমি কেক্ দেব।

কুদে কর। না, ফাউল্ রোষ্ট আর হইকী।

এক ফিমেল। এই নাও।\* আমার কেটীংয়ে বসো গে।

কুদে বর । আর লেগ্ মটোন্ ।

এক ফিমেল । এই নাও ।

কুদে বর । আর ডাইনীং নাইফ, ডাইনীং ফর্ক, কর্ক স্কু ।

এক ফিমেল । এই নাও ।

কুদে বর । আর টাঙ্লার গেলান্ ।

এক ফিমেল । এই নাও ।

কুবে বর । আর সোডাওয়াটার ।

এক ফিমেল । এই নাও ।

বুঝা । এর বয়েস কত ?

যুব-বর । যত হোক না, তোর বাবার কি ? খবরদার গায়ে হাত

দিব্ নি । তোর বরগিরীর মুখে মারি বিশ্ লাথি !

বেহারী । চোপ্ চোপ ।

যুব-বর । চোপ রাও । ওঙ্কো হুটায় লেও । হাম কামড়ায়েগা ।

বেহারী । আরে চোপ্‌রাও, চোপ্‌রাও ।

যুব বর । আজ খুনোখুনি হব । নেইরহেঙ্গে ! ছোড় ~~জ~~ ও

ছোড়দেও !

[ ষ্টল কাঁধে করিয়া পলায়ন ।

বেয়ারাগণ । পাক্‌ড়ো, পাক্‌ড়ো । ( পশ্চাৎদ্বার )

ফিমেলগণ । ( গীত । )

খেংরা মারো অকসানে ।

কে জানে আস্তো কে এখানে ॥

মালগুলো পালালো, সন্ন বল কার প্রাণে ॥

কুদেবর । মাইডিয়ার ডোর্টক্যার এই আছি ।

ফিমেলগণ । এই কচি, বখরাদার এর আবার ।

বিভার । কে বিভার ? আমরা ফ্রেস লট্ এবার ।

সেলমাষ্টার । সেল্ মাষ্টার,

বুক্কিপার । বুক্কিপার,

বেয়ারার । বেয়ারার,

বিখে । কে শোনে, রন্দিমাল কে কেনে ।

মহিলাগণ । ভারি খেদ, ছেল জেদ,

পাঁচটা লাট্‌বিট দেবো মাল নেবো,

সাজিয়ে রাখবো বাগানে ।

ফেটিনে নিয়ে যাব ময়দানে ॥

## অষ্টম দৃশ্য ।

রাস্তা ।

কুম্ভাস ওল্ডইয়ার নিউইয়ার । বড়দিনের খেল ।

## নবম দৃশ্য।

ঐয় ঋতু ।

( নায়ক-নায়িকার গীত । )

টলে লালরবি, টলে লাল রবি ।

লাল তোমারি বদন ছবি ॥

লাল আভা নয়নে, গগনে লাল মেঘদল,

রবি টলে, টলে টলে ঢলে জলে ;

চাহি ফটিকজল চাতক কাতর,

ধাকি ধাকি পাখী সক্রুণ বোলে,

দে জলদে কত নিদয় হবি !

পাখী কহিছে ছলে,

চাহ ফটিক জল দারুণ তৃষা কেন সহ ;

চ্যুত লতিকাদল ধীর সমীরে দোলে,

ডাকি কহে পাখী ছলে,—

পিও পিও বারি মোহন মোহিনী,

হের মোহিনী মাধুরী মাধবী ॥

( রঙ্গদার রঙ্গদারগীর রঙ্গ । )

বর্ষা ঋতু ।

( নায়ক-নায়িকার গীত । )

গভীর মেঘদল গরজে ।

বাজে বাজে প্রাণে, থেকনা থেকনা,

থেকনা থেকনা দূরে,

চাহি চুমিতে মুখ সরোজে ॥

চমকি চাকিচুকি, চমকি চমকি লুকি

চপলা, মন উতলা,

নীরদ ঢালিছে ধারা তর তর ঝর ঝর,

চমকি শিহরি ঘন, নয়ন নীর ধারা নেহার,

কাতর কুলিস কঁঠোর কত বাজে ।

বাজে বাজে, না জেনে না বুঝে তোরি প্রেমে মজে ॥

( রঙ্গদাব-রঙ্গদারগীত বঙ্গ । )

শরৎ ঋতু ।

নায়ক-নায়িকার গীত ।

মেঘে আর চাঁদ ঢাকে না ।

বদন খানি আর ঢেকনা ॥

চাও হে চাও দেখি আঁখি,  
 ফুটলো কলি ঐ দেখনা ॥  
 সোহাগে কইছে কথা তরুলতা,  
 কেন ব্যথা দাও বলনা ॥  
 ছলনা আর কোরনা,  
 রাগের ভরে আর থেকনা ॥  
 কোরনা পর কোরনা,  
 সাধের শরত বাদ সেখনা ॥  
 হাসবে কমল হেরে হাসি,  
 শশির হাসির মান রেখনা ॥

( রঙ্গদার রঙ্গদারগীর রঙ্গ । )

হেমন্ত ঋতু ।

নাগক-নাগিকার গীত ।

তোরি আশে ।

হের বেশভূষা পরি দাঁড়ায়ে রসেছে উষা,  
 'হেরিতে সাধ তব রঞ্জিত অধরে,  
 আদরে এখন দাঁড়ায়ে উষা তোরি তরে,  
 তোরি আশে ॥  
 প্রাণ মন মম আশে বিলাসে. ভাসে ভাসে ॥

নীহার হার প'রি, বর বর তর তর-  
 ঝরিছে মুকুতা পাঁতি,  
 রঞ্জিত কুম্মিত রমিত মোহিত বনরাজি ;  
 হেমন্ত হিল্লোলে, হেমশির্ষ দোলে,  
 প্রান্তরে তরঙ্গ মালা,  
 হেলা দোলা, অঙ্গ তরঙ্গিত,  
 হেরিতে পিয়াস বিভোলা ;  
 কপোত কপতী কত সোহাগে কহিছে কথা,  
 ব্যাকুল খেঁধিতে ভাসিতে সমিরে,  
 হেমকিরণ মাখি সাজি ;  
 পাখী জাগে,  
 মাতি তরুণ-নাগে গাইছে,  
 পবন কাকলি বহে,  
 গায়িছে পাখী অনুরাগে ;  
 ছদয়ে তোমারে ধরি,  
 বদন রাগ হেরি,  
 নয়নে নয়ন অভিলାষে ॥

( রঙ্গদাব রঙ্গদারণীর রঙ্গ । )

শীত ঋতু ।

নায়ক-নায়িকার গীত ।

হের ধূসর দিশা ।

ধূসর ধূমরাশি নিবিড় কুয়াশা—

আদরে করিছে মানা,

যেওনা যেওনা নিশা,

যুবক যুবতী সাধ রহিল,

রহিল তোমারি বিধুমুখ সূখা পান তৃষা ॥

বরিষা ইরিষা করি ধূসর রেণু কত উড়িছে ঝরিছে,

কিশোর অরুণ কর বারিছে ;

লোহিত সিত পীত তরে তরে ফুল কলি,

তারকা মেখ ঢাকা ;

না হেরি উষা ব্যাকুল পাখী,

শাখা শীরে বসি রহি রহি বোলে,

চ্যুত মুকুল দৌলে কিরণ চুম্বন আশা ॥

চঞ্চল চিত মম নয়ন কিরণ তব চুম্বিতে পিপাসা ।

( রঙ্গদার রঙ্গদারগীর রঙ্গ । )



---

বসন্ত ঋতু ।

---

নায়ক-নায়িকার গীত ।

স্বরে তোর মন মেতেছে কোকিলে ঐ কুহরে ।

গাঁদা গোলাপ হার গেঁথেছে,

চেয়ে আছে তোর অধরে ॥

কিশলয় কাঁপিয়ে মলয়,

তোর কথা কয় আমোদ ভরে,

বয় ধিরে সৌরভ বয়ে,

গা ছুঁয়ে তোর যায় আদরে ॥

গুঞ্জে ঐ ভ্রমরা ফুলে টলে ধায় বিভোরে,

চায় তোরে মন বিভোরা,

অঁখি বিভোর হেরে তোরে ॥

( রসদার-রসদারগীর রঙ্গ ! )

---

## দশম দৃশ্য ।

### পশুশালা ।

কিপার কিপারেস্ প্রভৃতি গীত ।

সকলে । তামাসা চল্‌তা হায় বহু উমদা ।

হোগা কায়দা, দেখে হিঁয়া ক্যাসা জুদা কায়দা ॥

পু-গণ । জানি মস্তি ছয়া,

স্ত্রীগণ । কেতনা কুস্তী কিয়া,

সকলে । ট্রাপেজ প্যারালেজ্ বারমে ক্যা কহে তুমে,

উল্‌টি পাল্‌টি লট্‌ লট্‌ লুটী তব্‌ ছুটী,

স্ত্রীগণ । উনে কিরা খায়া,

পু-গণ । জানি না হায়রাণ ভয়া,

স্ত্রীগণ । যেসা সেঁইয়া পেয়ারা,

পু-গণ । পিয়ারি যেসি জানি মেরা,

সকলে । খেলে গা জানোয়ার মাদি মরদা ।

কিপার । আমাদের প্রথম তামাসা—সংস্কারক হুঁষ ও গাভী ।

( হুঁষ ও গাভী লইয়া বেহারার প্রবেশ । )

গাভী । মাইডিয়ার বুল ! তুমি আর বাস খেওনা ।

হুঁষ । মাইডিয়ার কাউ ! তুমি আর ছদ্‌ দিওনা ।

গাভী । না ছদ্‌ দেব না, তুমি বল বাস্‌ খাবে না ?

বৃষ । না ।

গাভী । প্রতিজ্ঞে ?

বৃষ । প্রতিজ্ঞে ।

গাভী । এসো সেক্ষাণ্ড করি । মাইডিয়ার বুল ! তুমি উলঙ্গ  
বাঁড় দেখলে গুঁতিও ।

বৃষ । মাইডিয়ার কাউ ! তুমিও উলঙ্গ গাভী দেখলে  
গুঁতিও ।

গাভী । প্রতিজ্ঞে ?

বৃষ । প্রতিজ্ঞে ।

গাভী । এস সেক্ষাণ্ড করি । মাই ডিয়ার বুল ! জবাই  
হইও, অম্নি মরনা ।

বৃষ । মাইডিয়ার কাউ ! তুমিও জবাই হইও অম্নি মরো  
না ।

গাভী । না ।

বৃষ । না ।

গাভী । প্রতিজ্ঞে ?

বৃষ । প্রতিজ্ঞে ।

গাভী । এস সেক্ষাণ্ড করি । মাইডিয়ার বুল ! এখন ত'মলে  
আর কি করবে ?

বৃষ । মাইডিয়ার কাউ । তুমিও তো মলে আর কি করবে ?

গাভী । মাই তো !

বৃষ । তাই তো !

গাভী । প্রতিজ্ঞে ?

বৃষ । প্রতিজ্ঞে ।

( উভয়ের গীত । )

রিফর্মার আমরা ছুজনে ।  
 ছুজনে প্রথমে দেখা ময়দানে ॥  
 তর্ক প্রথম অবসিনিটী নে,  
 তার পর কোর্ট-সিপ করে বে,  
 তার পর শুনলে প্রতিজ্ঞে,  
 শুনলেন তো গুণ, এখন মানুন না মানুন,  
 যত বাঁড় আছে আর গরু আছে,  
 আমাদের খুবজানে, খুবমানে ॥

কিপার । আমাদের দ্বিতীয় তামাসা—অধ্যাপক গর্দভ ।

( গর্দভ লইয়া বোকার প্রবেশ । )

গর্দভ ! আমার এমন স্ত্রী গড়ন ছিলনা । মাথাটা গোব, মুখ  
 খানা চেপ্টা, ছপায়ে হাঁটুতুম, গায়ে মাছি বসলে একটা  
 লেজ নেই যে তাড়াই ।

কিপার । আচ্ছা তবে এমন স্ত্রীম চেহারা হলো কিসে ?

গর্দভ । ছেলে বয়সে এক বোকা বই মাথায় চাপালে, মাথাটা  
 চেপ্টে গেল । চড়িয়ে মুখ লম্বা করলো । তার পর  
 পিটের ওপর ছু ছালা বই দিতেই হুম্‌ডি খেয়ে পড়লুম,  
 চার পায়ে হাঁটতে শিখলুম । কান্‌ছটো টেনে\* টেনে  
 লম্বা হলো, আর লেজ বেরুলো আপুনি ।

কিপার । ডাক্তারে শিখলে কি করে ?

গর্দভ । ও লেজও বেরুনো ডাকও খোল !

কিপার। এখন কি করবে?

গর্দভ। ট্রেনিংস্কুল।

কিপার। তার পর?

গর্দভ। যারা ভর্তি হবে তারা ঠিক আমার মতন হয়ে বেরবে।

কিপার। তারা কি করবে?

গর্দভ। ঘাস খাবে, ধোপার বোঝা বইবে, আর বেয়াড়া ডাক্ ডাক্বে।

গর্দভ।

গীত ।

কে আস্বে আমার স্কুলে ।

যাবে তিন দিনে তার লেজ্ব বুলে ॥

আমার এম্নি কসে টান্,

একটানে তার লম্বা হবে কান্

চল্বে চারটি-খুরে,

গলাবাজী কর্বে জোরে,

ফুলে ফুলে ঘাড় তুলে ॥

কিপার। আমাদের তৃতীয় তামাসা—স্মার্ত বানর বানরি ।

( বানর বানরী লইয়া বেহারার প্রবেশ । )

বানরি। প্রত্যেক বানর ও বানরি কি মানুষের অনুকরণ  
করিতে বাধ্য?

বানর। ' বাধ্য ' কারণ বিজ্ঞান মতে তারা স্বজাত ।

বানরি । চুরি করতে বাধ্য ?

বানর । বাধ্য ।

বানরি । বড় বানরের লেজ ধরতে বাধ্য ?

বানর । বাধ্য ।

বানরি । ঝগড়া করতে বাধ্য ?

বানর । বাধ্য ।

বানরি । দাঁত খিঁচুতে বাধ্য ?

বানর । বাধ্য ।

বানরি । আঁচড়াতে কামড়াতে বাধ্য ?

বানর । বাধ্য ।

বানরি । বানরি বানরকে লাথি মারিতে বাধ্য ?

বানর । বাধ্য ।

বানবি । ডাইভোর্স অর্থাৎ ফারখৎ করিতে বাধ্য ?

বানর । বাধ্য ।

বানরি । এপনি বাধ্য ?

বানর । বাধ্য ।

বানরি । তবে বাও ।

বানর । আচ্ছা চল্লুম, দেখি এমন বাদর কোথা পাও ।

বানরি । আরে নাও নাও, তোমার মতন ধাড়ী বাদর গণ্ডা  
গণ্ডা, যে দিকে চাও, দেখে নাও, আমি দেখবো  
কোথা বাদরি পাও ।

বাদর । অভাব কি ? রাস্তায় বাটে মাঠে—

বানরি । তবে ডাইভোর্স ?

বানর । ডাইভোর্স ।

উভয়ে গীত ।

ছজনে ছিলাম রেতে ছড়ালে ।

হোলো শুভ দৃষ্টি সকালে ॥

দুপুর বেলা এক ডালে বসে,

সজনে পাতা ঠুসেছি ক'সে,

কিচি কিচি দুপুর থেকে

ফারখৎ হলো বিকেনে ॥

কিপার । আমাদের চতুর্থ তামাসা—ভলেন্টীয়ার ভেড়া ।

( ভেড়া লইয়া বেচাবাব প্রবেশ । )

কিপাব । তুমি লড়বে ?

ভ্যাড়া । লড়বো ।

কিপার । কার সঙ্গে ?

ভ্যাড়া । কাক সঙ্গে না, আপনা আপনি ।

কিপার । ঘোড়া চড়বে ?

ভ্যাড়া । চ'ড়বো ।

কিপার । কি ঘোঁড়া ?

ভ্যাড়া । কাটের ঘোড়া ।

কিপার । বন্দুক ছুড়বে ?

ভ্যাড়া । • ছুড়বো ।

কিপার । কি করে ?

ভ্যাড়া । চোক বুজে ।

কিপার । ঘোড়া থেকে পড়বে ?

ভ্যাড়া । পড়বো ।

কিপার । কখন ?

ভ্যাড়া । বন্দুক ছুড়বো যখন ।

কিপার । যদি কেউ লড়াই করতে এসে ?

ভ্যাড়া । তা আমাব কি ? দৌড় মারবো ক'সে ।

কিপার । তোমার মত ভ্যাড়া ভলেন্টায়ার কটা আছে ?

ভ্যাড়া । এক পাল ভ্যাড়া, এমনি সিং মোচড়া, এমনি ঝোকে  
এমনি তাল্ ঠোকে, যদি কারু মাড়া পায়, এমনি  
চার পা তুলে পালায় ।

কিপার । দাঁড়াও দাঁড়াও, একটি গান গাও ।

ভ্যাড়া ।

গীত ।

শেম শেম, কাউন্টার্ড নেম,

রাখবো না আর ভ্যাড়ার পাল ।

তোষ দান বাঁধা বন্দুক কাঁধা,

ভারি মিলিটারি চাল ॥

রাগে ফাটি, বাঁটা বাঁটা আমানি খাই সঁজু সকাল ॥

লড়তে এণে বন্দুক ফেলে চার পা তুলে


পেরুই খাল ॥

হর্দম্ হর্দম্ রেগে লাল, পুরু ছাল ॥

কিপার । আমাদের পঞ্চম তামাসা—হাডগিলে কামিনার ।



( হাড়গিলে লইয়া বেহারার প্রবেশ । )

কিপার । যখন এসেছ পরিচয় দাও, তুমি হেথায় কেন ?  
 হাড়গিলে । আমায় চেন ? আমায় জান ? আমি হাড়গিলে ।  
 কিপার । নামটি কোথা পেলো ?  
 হাড়গিলে । সায়েবদের এঁটো হাড় গিলে গিলে ।  
 কিপার । কোথায় থাক ?  
 হাড়গিলে । টেক্সর বিলে ।  
 কিপার । কেন এয়েছো ?  
 হাড়গিলে । কমিসনার হব বলে ।  
 কিপার । তা হেতায় এয়েছ কি কর্ত্তে ?  
 হাড়গিলে । ভোট নিতে ।  
 কিপার । কমিসনার হোয়ে কি করবে ?  
 হাড়গিলে । দেখছো ছোটো ঠোঁট ?  
 কিপার । দেখছি ।  
 হাড়গিলে । শুনেছ খাই এটোঁ হাড় ?  
 কিপার । শুনেছি ।  
 হাড়গিলে । এখন রেষোতের হাড় মাস খাবো ।  
 কিপার । তা পারো পারো ।  
 হাড়গিলে  গীত ।

আজ ভোট দিয়ে কাল ওপারে যেও উঠে ।

বাজাবো ঠোঁটে ঠোঁটে, নেব লুটে পুটে ॥

বলি ভালোয় ভালোয়,

পালাও আলোয় আলোয়,

নইলে মুস্কিল, রোজ বস্বে শীল,  
চাটী ভিটে মাটি, থাক্বেনা ঘটা বাটী,  
পালাতে হবে ছুটে, এক ছুটে ॥

কিপার। আমাদের বর্ষ তামাসা—পুজুরি ভালুক ও যজমানি  
ভালুকী।

( ভালুক ভালুকী লইয়া বেহারার প্রবেশ । )

ভালুকী। ইস্, তুমি ভারি টল্ছেছো !

ভালুক। তুমি যে থাবা থাবা মোড়িও খাইয়েছ, তাতে নেশা  
হয়েছে !

ভালুকী। নৈবিদ্বি কর'বে, কোন ঠাকুরের ?

ভালুক। তা বলতে পারিনি, নৈবিদ্বি সাজাও !

ভালুকী। পূজা হবে কার ?

ভালুক। তা বলতে পারিনি, কুল দাও !

ভালুকী। মন্তর পড়ছো কি ?

ভালুক। তা বলতে পারিনি তুমি শাঁক বাজাও।

ভালুকী। কেং! পূজো করছো ?

ভালুক। তা বলতে পারিনি আমার ধর।

ভালুকী। কেন ধরবো কেন ?

ভালুক। তা বলতে পারিনি, একটু শোবো।

ভালুকী। তবে মরো।

ভালুক। তা বলতে পারিনে, ঘুগবো।

ভালুকী । যজ্ঞমান বাড়িঁ যাবে না ?  
 ভালুক । তা বলতে পারিনি, ডোরা টানবো ।  
 ভালুকী । পোড়ার মুখো ! হু থাবা মোও খেয়ে চেত্তা মাৰ্বি ?  
 ভালুক । তা বলতে পারিনি, কুস্তী লড়বো !  
 ভালুকী । কুস্তী লড়বি কার সঙ্গে ?  
 ভালুক । তা বলতে পারিনি, নাচবো ।  
 ভালুকী । নাচবি কার সঙ্গে ?  
 ভালুক । তা বলতে পারি, —তোমার সঙ্গে, তোমার সঙ্গে,  
 তোমার সঙ্গে ।

উভয়ে গীত ।

নাচি ঠুম্‌কী ঠুম্‌কী নাচি ঠুম্‌কী ঠুম্‌কা ।  
 আমরা চাঁদমুখো আর চাঁদমুখী ॥  
 পিরীত মাখামাখি, দুজনে মেতে থাকি,  
 জ্বরে ধুঁকী, আর মোও চাকি,  
 পিরীত বাধলো যখন আমরা খোকা খুকী ॥  
 ভোরে হাওয়া খেতে, পিরীত বাধলো গথে,  
 এত জানাজানি ছিল লুকে লুকী ।